

ხელშეკრულება № 16

სახელმწიფო შესყიდვის შესახებ

ქ. ბათუმი

30 ივლისი 2012 წელი

სახელმწიფო შესყიდვის განხორციელების მიზნით, ერთის მხრივ აჭარის ავტონომიური რესპუბლიკის მთავრობის აპარატი (ქ. ბათუმი, გამსახურდიას გამზ. №9), აპარატის უფროსის ომარ მეგრელიძის სახით, შემდგომში „შემსყიდველი“ და მეორეს მხრივ შ.პ.ს. „კახაბერი-2008“-ს (ქ. ბათუმი, აღმაშენებლის ქ. №21) დირექტორის ამირან ბერიძის სახით, შემდგომში „მიმწოდებელი“, დადეს ეს ხელშეკრულება შემდეგნაირად:

1. ხელშეკრულების საგანი

1.1. წინამდებარე ხელშეკრულების საფუძველზე მიმწოდებელი თანახმაა 2012 წლის 3 აგვისტომდე მიაწოდოს შემსყიდველს სხვადასხვა სახის ფინჯნები და მინის ჭიქები (CPV კოდი: 39221120), შემდგომში „საქონელი“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით.

1.2. მთლიანი სახელშეკრულებო თანხა შეადგენს 200 (ორასი) ლარს.

2. ხელშეკრულების შესრულების კონტროლი

2.1. ხელშეკრულების შესრულების კონტროლს განახორციელებს აჭარის ავტონომიური რესპუბლიკის მთავრობის აპარატის შესაბამისი უფლებამოსილი პირი.

2.2. მიმწოდებლის მიერ გასაწევ, ან უკვე გაწეულ მიწოდებაზე კონტროლი ხორციელდება სისტემატიურად შემსყიდველის შეხედულებისამებრ.

3. გარანტია

3.1. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

3.2. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის გამოყენების პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

4. ანგარიშსწორება

4.1. ანგარიშსწორება მიმწოდებელთან ხორციელდება მიმწოდებლის მიერ საგადასახადო ანგარიშ-ფაქტურის წარდგენიდან 10 საბანკო დღის განმავლობაში.

4.2. ანგარიშსწორება განხორციელდება უნაღდო ანგარიშსწორების ფორმით.

4.3. ანგარიშსწორება მიმწოდებელთან განხორციელდება ლარებში კერძოდ მიმწოდებლის ანგარიშსწორების ანგარიშზე ს.ს. „პროკრედიტ ბანკი“-ს ბანკის ანგარიშით: MIBGGE22, ა.ა.ნ. GE26PC0033600100037353, საიდ. კოდი 245613634.



5. ხელშეკრულებაში ცვლილებების შეტანა

5.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

5.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

5.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც წაითვლება ხელშეკრულების განუყოფელ ნაწილად.

6. ხელშეკრულების შესრულების შეფერხება

6.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუფონდებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება მიღებული აღნიშნულ გარემოებებთან დაკავშირებით.

6.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

7. სანქციები და პასუხისმგებლობა

7.1. ხელშეკრულებით ნაკისრი ვალდებულებების შეუსრულებლობის შემთხვევაში, ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0,2 პროცენტის ოდენობით.

7.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 პროცენტს, შემსყიდველს უფლება აქვს შეწყვიტოს ხელშეკრულება.

8. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერისთანავე და წყვეტს მოქმედებას 2012 წლის 17 აგვისტოს.

9. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილ გადასახადების, მოსაკრებლების და სხვა გადასახდელების გადახდაზე.



10. სხვა პირობები

ხელშეკრულება შესრულებულია და ხელმოწერილია სამ ეგზემპლარად.

11. მხარეთა იურიდიული მისამართები და რეკვიზიტები

„შემსყიდველი“

ქ. ბათუმი, გამსახურდიას ქ. №9

აჭარის ავტონომიური რესპუბლიკის
მთავრობის აპარატი

ომარ მეგრელიძე



„მიმწოდებელი“

ქ. ბათუმი, აღმაშენებლის ქ. №21

შ.პ.ს. „კახაბერი-2008“

დირექტორი

ამირან ბერიძე

